

zenički privredni 2023



BILTEN

SLUŽBE ZA PRIVREDU I UPRAVLJANJE RAZVOJEM GRADA ZENICA I ZENIČKE RAZVOJNE AGENCIJE ZEDA



NEWSLETTER 1/2023.

Služba za privredu, gradsku imovinu i upravljanje razvojem Grada Zenice i Agencija ZEDA periodično predstavljaju pregled najznačajnijih aktivnosti koje su realizovane u proteklom periodu.

U ovom Biltenu pročitajte koje projektne aktivnosti smo realizovali, koga smo i kojim povodom ugostili, koje edukacije i prezentacije smo organizovali i šta najavljujemo za period koji slijedi.



IZDAVAČ: Grad Zenica; **PRIPREMA PUBLIKACIJE:** Služba za privredu i upravljanje razvojem i Zenička razvojna agencija ZEDA; **AUTORI TEKSTOVA:** Armin Mujkić, Maida Mujanović, Ajna Dedić, Maša Škrbić; **FOTOGRAFIJE:** Emir Čaplja, Mirza Subašić; **DTP:** Emir Čaplja; **ŠTAMPA:** MeligrafPrint Zenica

U POSLOVNOJ ZONI ZENICA 1 POVODOM DANA ZENICE SVEČANO OTVOREN ANEKS B TECHNOPARKA ZENICA



Na Dan Zenice, 20. marta 2023. godine, upriličeno je Svečano otvorenje Aneksa B TechnoParka Zenica čime je Zenica dobila još jednu zgradu sa 2000 m² na usluzi privrednicima.

Naime, Aneks B dio je TechnoParka kojim upravlja Agencija ZEDA, a u vlasništvu je Grada Zenice.

Od danas je ovaj objekat na usluzi svima onima koji žele započeti svoje poslovne korake kao i onima koji žele učestvovati na edukacijama iz robotike, CNC-a, mehantronike i programiranja.

Naime, renoviranje i adaptacija ovog Objekta su započeli u februaru 2022. godine kroz projekat iNnovaNet čija implementacija je počela u septembru 2020. godine.

Agencija ZEDA je ovaj projekat uspješno realizovala u saradnji sa partnerima:

- IPNG-Industrijski park Nova Gradiška (HR),
- Inovaciono Preduzetnički Centar Tehnopolis iz Nikšića (CG) i
- Grad Gradiška (BiH)

Drugu fazu adaptacije i renoviranja ANEKSA B podržali su



Federalno ministarstvo razvoja, poduzetništva i obrta i Grad Zenica, te je ovo jedna u nizu aktivnosti kojima Grad Zenica u saradnji sa Agencijom ZEDA radi na kreiranju povoljnog poslovnog ambijenta u Zenici i stvaranju što boljih uslova za poslovanje preduzeća i kreiranje ugodnog i privlačnog ambijenta za život.



AGENCIJU ZEDA POSJETILI SUDENTI MAŠINSKOG FAKULTETA UNZE

Koncem marta 2023. godine, Agenciju ZEDA su posjetili studenti II i IV godine Mašinskog fakulteta. Posjeta je realizovana u cilju provođenja vježbi iz predmeta Ispitivanje i kvalitet proizvoda.

Ovom prilikom studenti su upoznati sa radom Laboratorije te im je ponuđena saradnja kod pisanja seminarskih, diplomskih i magistarskih radova.

Ovo je još jedna u nizu saradnji i posjeta studentada UNZE sa kojim Agencija ZEDA ima već tradicionalnu saradnju.



SVI ZENIČKI PROIZVODI NA JEDNOM MJESTU – PREZENTACIJA PROIZVODA I USLUGA ZENIČKIH PREDUZEĆA U SHOW ROOMU AGENCIJE ZEDA

Agencija ZEDA je u SHOW roomu omogućila zeničkim privrednicima da izlože svoje proizvode, predstave usluge i dostave promotivne materijale kako bi prezentovali ono čime se bave. Naime, show room je dio Centra za poduzetnike i investitore koji je ZEDA osnovala u saradnji s Gradom Zenicom i Udruženjem poslodavaca Zenica kroz program Evropske unije i Vlade Njemačke, EU ProLocal kojeg je implementirao GIZ.

Ovo je prilika da sva zenička preduzeća na jednom mjestu



predstave svoje proizvode i usluge besplatno.

„Centar za poduzetnike i investitore“ (BusinessPoint Zenica) je smješten u zgradi Agencije

ZEDA.

Centar često posjećuju investitori i poduzetnici, što je odlična prilika da preduzeća predstave svoje proizvode i usluge.



ZENICA DOMAĆIN DRŽAVNOG PRVENSTVA U ROBOTICI

Univerzitet u Zenici je po treći bio put suorganizator državnog prvenstva u robotici WRO koje se održalo 19. maja 2023. godine u Gradskoj areni „Husejin Smajlović“ u Zenici. Takmičile su se 24 ekipe u različitim starosnim kategorijama, a pobjednici će predstavljati Bosnu i Hercegovinu na Svjetskoj olimpijadi koja će se ove godine održati u Panami. Pobjednici ovog takmičenja koji putuju u Panamu su:

- KATEGORIJA ROBOMISSION ELEMENTARY **Elementary Eliminator 072 Zenica,**
- KATEGORIJA ROBOMISSION JUNIOR **STEM Academy Junior Tuzla i**
- Kategorija ROBOMISSION SENIOR **Jack Sparrow 072 Zenica**

Treba napomenuti da je podršku ovom takmičenju pružila Vlada Zeničko-dobojskog kantona na čelu sa premijerkom gđom Amrom Mehmedić.



Takmičenje je organizovao Univerzitet EDUTUS, Univerzitet u Zenici, Grad Zenica, Agencija ZEDA i Udruženje Obrazovanje za novo doba –

STEAM Obrazovanje uz podršku sponzora. Čestitamo pobjednicima i sretno na Svjetskoj olimpijadi!

7 PRIVREDNIKA POTPISALO UGOVOR SA GRADOM ZENICOM ZA POTICAJNA SREDSTVA U OKVIRU PROJEKTA ISKORAK



U Gradskoj upravi Zenica koncem maja upriličeno je potpisivanje ugovora sa privrednim subjektima koji su odabrani u okviru Javnog poziva za učešće na obukama i dodjeli sredstava u okviru projekta "iSKO-

raK – Partnerstvo za nova radna mjesta" – Pokreni svoj posao kroz nove poslovne ideje. Od ukupno 30 pristiglih Poslovnih planova po Javnom pozivu, od čega iz Općine Breza tri prijave i Grada Zenice 27

prijava, koji su zadovoljili formalno-pravne uslove za bodovanje i rangiranje, za Grad Zenicu odobrena su podsticajna sredstva za sedam prijava u iznosu od 58.800 KM.

Podsticajna sredstva odobrena su Lejli Kovačević, Ameru Čerimiću, Jasminu Kišija, Siniši Milenkoviću, Aldini Bajrambašić, Harisu Bošnjak i Edinu Muslija.

Grad Zenica je jedna od lokalnih zajednica u kojima se implementira projekat "Podrška Evropske unije lokalnim partnerstvima za zapošljavanje – Faza II" (LEP II) koji finansira Evropska unija u iznosu od četiri miliona eura, a realizuje Međunarodna organizacija rada u Bosni i Hercegovini.

ZAVRŠENO UTOPLJAVANJE OBJEKTA JAVNE USTANOVE „CENTAR ZA SOCIJALNI RAD ZENICA“



Završeni su radovi na utopljanju objekta Javne ustanove „Centar za socijalni rad Zenica“. Radovi su obuhvatili provođenje mjera energetske efikasnosti definisanih energetske auditom i to zamjenu krova, ugradnju novih gromobrskih instalacija, ter-

moizolaciju vanjskih zidova, zamjenu stolarije, zamjenu mašinskih instalacija, ugradnju termostatskih ventila, ugradnju kalorimetra te zamjenu postojeće unutrašnje rasvjete sa štednom LED rasvjetom.

Ukupna vrijednost projekta

iznosi 251.667,67 KM, a njegovu realizaciju su sufinansirali Fond za zaštitu okoliša FBiH sa 70.000,00 KM, Federalno ministarstvo prostornog uređenja sa 70.000,00 KM, Vlada Federacije BiH sa 100.601,75 KM i Grad Zenica sa 11.065,92 KM.

USAID DIASPORA INVEST OKUPIO 70 PREDSTAVNIKA OPĆINA I GRADOVA NA TEMU UKLJUČIVANJA DIJASPORE U LOKALNI RAZVOJ U KOME UČESTVUJE GRAD ZENICA

“Prilike za saradnju sa jedinicima lokalne samouprave u podršci dijaspori” naziv je online sesije na kojoj su predstavljene aktivnosti USAID projekta “Diaspora Invest” i poziv za partnerstva sa lokalnom zajednicom. Ovaj sastanak je bio i prilika za razmjenu informacija o uključivanju dijasporu u lokalni socio-ekonomski razvoj i bitnoj ulozi koju imaju lokalne zajednice u tom procesu.

“Na informativnoj sesiji je sudjelovalo 70 predstavnika JLS iz različitih dijelova BiH, što pokazuje da interes za sistemski pristup saradnji s dijasporom postoji i da je ova tematika prepoznata kao potencijal na lokalnom nivou. USAID projekat “Diaspora Invest” nastavlja prethodne uspješne napore USAID-a u angažmanu dijaspo-



pore koji su rezultirali sa značajnim ulaganjima dijasporu u zemlju. Projekat radi na privlačenju i olakšavanju ulaganja i znanja dijasporu u lokalne zajednice, pružanju finansijske i tehničke podrške investitorima iz dijasporu, prenosu znanja iz dijasporu i proširenju pristupa finansiranju za mala i srednja preduzeća povezana s dijaspo-

rom”, dodaju iz USAID projekta “Diaspora Invest”.

Cilj poziva za prijave jeste jačanje kapaciteta lokalnih vlasti da uključe dijasporu u lokalni ekonomski razvoj, osiguraju povećanje mogućnosti direktnih ulaganja prema perspektivnim članovima dijasporu, kao poticanje prenosa znanja i investicijskog kapitala.

POTPISAN SPORAZUM O IMPLEMENTACIJI PROJEKTA „PČELARSTVO I RURALNI RAZVOJ“



U Gradskoj upravi Zenica potpisan je sporazum između nevladine organizacije Muslim Aid ASSOCIATION, Grada Zenica, Udruženja pčelara „API-

ZE“ Zenica, Udruženja pčelara „PČELA“ Nemila i Udruženja pčelara „EKO PČELA“ Zenica o implementaciji projekta „Pčelarstvo i ruralni razvoj“.

Projekat će osigurati osnovne resurse i vještine socijalno - marginaliziranim porodicama koje žive u ruralnim područjima, kako bi mogli poboljšati kvalitetu vlastitog života i kroz izgradnju infrastrukture ekonomski osnažiti udruženje pčelara.

Projekat će biti realizovan u periodu od marta 2023. do novembra 2024. godine.

Ukupna vrijednost projekta iznosi 107.310,00 KM, od čega će Grad Zenica u sufinansiranju projekta učestvovati sa 55.300,00 KM, Muslim Aid sa 47.110,00 KM, a korisnici sa 4.900,00 KM.

PREDSTAVNICI GU ZENICA PREDSTAVILI PLAN RAZVOJA I ULAGANJA U POSTOJEĆE I NOVE INDUSTRIJSKE ZONE

Članovi Saradničke mreže za podršku stranim investitorima u BiH sastali su se u Parlamentarnoj skupštini u Sarajevu kako bi razgovarali o rezultatima rada na podršci stranim investitorima realizovanim tokom 2021-2022.godine, a ovom sastanku prisustvovali su i predstavnici Gradske uprave Zenica zajedno sa Samirom Šibonjićem, ministrom privrede Zeničko-dobojskog kantona.

Ovom prilikom, Agencija za unapređenje stranih investitora BiH (FIPA) je predstavila izvještaj postinvesticiona/aftercare podrška investitorima, dok su predstavnici Gradske uprave Zenica predstavili planove koji se tiču razvoja i



ulaganja u postojeće i nove industrijske zone sa fokusom na Poslovno rekreativno-turističku zonu Zenica-Jug koja zbog svoje lokacije predstavlja jednu od najperspektivnijih poslovnih zona za ulaganje stranih investitora u BiH.

Naime, poslovno rekreativno-turistička zona Zenica-Jug je pozicionirana na južnom dijelu Grada Zenice, pored magistralnog puta M-17, te omogućava brzi pristup koridoru Vc, što nudi brz i kvalitetan pristup tržištima regije i EU.

EVROPSKA UNIJA PODRŽAVA DRUGI CIKLUS OBUKA „POKRENI SVOJ POSAO“ U SKLOPU ISKORAK PROJEKTA

U Agenciji ZEDA je sredinom marta 2023. počeo drugi ciklus obuka u okviru projekta „iSKOraK – Partnerstvo za nova radna mjesta“ pod nazivom „Pokreni svoj posao“. Učesnici edukacije prošli su obuku na kojoj su sa certificiranim trenerom Međunarodne organizacije rada naučili osnove pokretanja vlastitog biznisa kao i pisanja poslovnog plana. Na obuku se prijavilo više od 50 osoba koje su bile podijeljene u dvije grupe, kako bi kandidati mogli biti fokusirani i usmjereni na usvajanje novih znanja i razvijanje vlastitih ideja. Nakon obuke, kandidati su dobili odgovarajuće vrijeme za izradu biznis plana uz konsultacije s mentorom.

Najbolje poslovne ideje, kao i najbolje ocijenjeni biznis planovi su dobili finansijsku podršku Delegacije Evropska



unije u BiH za pokretanje biznisa.

Realizacijom ovog projekta bi se ostvario dugoročni održivi efekt procesa kreiranja institucionalne i systemske podrške zapošljavanju mladih u Zenici i Brezi kroz stvaranje stimulativnog poslovnog okruženja, a koje će aktivno doprinositi povećanju novo-

otvorenih poslovnih subjekata/radnih mjesta, ali i kontinuiranoj promociji mogućnosti prekvalifikacije u cilju povećanja šanse za zaposlenje, kao i razvoju poduzetništva i poduzetničkog obrasca ponašanja među nezaposlenim mladim ljudima sa naglaskom na teško zapošljive kategorije.

POTPISAN UGOVOR IZMEĐU USAID/INSPIRE-A I GRADA ZENICE U OKVIRU PODRŠKE MARGINALIZIRANIM GRUPAMA ŽENA I PRIPADNICIMA DRUGIH MARGINALIZIRANIH GRUPA

U Gradskoj upravi Zenica upriličeno je potpisivanje ugovora između USAID/INSPIRE-a i Grada Zenica u okviru podrške marginaliziranim grupama žena i pripadnicima drugih marginaliziranih grupa (Poziv II).

U sklopu projekta predviđeno je kreiranje zajedničkog Fonda USAID/INSPIRE-a i Grada Zenica u iznosu od 60.000,00 KM, a Grad Zenica i USAID učestvuju u projektu sa po 30.000,00 KM.

Kreiranjem Fonda između USAID/INSPIRE-a i Grada Zenica nastoje se stvoriti uslovi za održivi razvoj preduzetništva marginaliziranih grupa, kroz poticanje na samozapošljavanje, te njihovo veće i lakše uključivanje u preduzetništvo i stvaranje novih radnih mjesta. Implementacijom ovog Progra-



ma, putem javnih poziva, pruža se podrška osnivanju i razvoju biznisa marginaliziranih grupa žena i pripadnika drugih marginaliziranih grupa, registrovanih kao obrt ili društvo sa ograničenom odgo-

vornošću.

U drugom ciklusu podrške učestvuje 10 jedinica lokalne samouprave i to Zenica, Maglaj, Cazin, Novo Sarajevo, Travnik, Trebinje, Berkovići, Vlasenica, Brod i Teslić.

POTPISANI UGOVORI S KORISNICIMA KOJI ĆE DOBITI PČELINJA DRUŠTVA I OPREMU

U Gradskoj upravi Zenice potpisani su ugovori po Javnom pozivu za podnošenje zahtjeva za dodjelu pčelinjih društava i opreme.

Riječ je o ugovorima o sufinansiranju zaključenim između Muslim Aid Association, Grada Zenica i krajnjeg korisnika, a s ciljem implementacije projekta „Pčelarstvo i ruralni razvoj“.

Nakon okončanja procedure po Javnom pozivu odabrano je sedam korisnika, a ugovorom je predviđeno da će korisnicima biti dodijeljeno po osam pčelinjih društava i nova oprema za svakog korisnika.



GRAD ZENICA PARTNER U USAID-OVOM PROJEKTU „DIASPORA INVEST“

Gradonačelnik Zenice Fuad Kasumović potpisao je danas Memorandum o razumijevanju između Američke agencije za međunarodni razvoj i Grada Zenice za USAID projekat „Diaspora Invest“.

Osim Grada Zenica, USAID je potpisao memorandume o partnerstvu sa još 19 jedinica lokalne samouprave, sa kojima će zajedno razvijati lokalne grant programe i podržati aktivnosti uključivanja dijaspe u ekonomski i društveni razvoj lokalnih zajednica.

Svečana ceremonija potpisivanja memoranduma o partnerstvu organizovana je u Sarajevu, a njen domaćin bio je ambasador Sjedinjenih Američkih Država Michael Murphy.



Njegova ekscelencija ambasador Michael J. Murphy se ovom prilikom sastao sa načelnicima i gradonačelnicima partnerskih zajednica, gdje su razmijenili ideje i očekivanja novog modaliteta saradnje

kroz USAID projekat „Diaspora Invest“.

Gradonačelnik Fuad Kasumović izrazio je zadovoljstvo što je Grad Zenica prepoznat kao partner USAID projekta „Diaspora Invest“.

POČINJE USAID-OV PROJEKAT POMOĆI LOKALNOJ UPRAVI: GRAD ZENICA JEDNA OD PARTNERSKIH ZAJEDNICA

U povodu početka USAID Projekta pomoći lokalnoj upravi, u Sarajevu je upriličena svečanost kojoj su prisustvovali gradonačelnici odnosno načelnici partnerskih jedinica lokalne samouprave.

Njegova ekscelencija ambasador Sjedinjenih Američkih Država u Bosni i Hercegovini Michael J. Murphy i gradonačelnici i načelnici odabranih općina su ovom prilikom potpisali zajedničke izjave.

Projekat pomoći lokalnoj upravi finansira Američka agencija za međunarodni razvoj (USAID), a vrijedan je 12,8 miliona dolara.

Cilj Projekta je efikasnije, transparentnije i odgovornije pru-



žanje javnih usluga građanima i poslovnim subjektima, te jačanje kapaciteta za ispunjavanje društveno-ekonomskih potreba grada.

Predviđeno je da Projekat bude implementiran u 30 lo-

kalnih zajednica, tokom narednih pet godina.

Lokalne zajednice odabrane u prvoj grupi su: Grad Zenica, Gradačac, Lopare, Modriča, Petrovo, Šamac, Teslić, Tuzla, Vareš, Zavidovići i Žepče.

PREDSTAVNICI GRADSKJE UPRAVE ZENICA UČESTVOVALI NA RADIONICI ZA UNAPREĐENJE JAVNIH USLUGA KROZ USAID-OV PROJEKT POMOĆI LOKALNOJ UPRAVI

U organizaciji Američke agencije za međunarodni razvoj (USAID) u Sarajevu je održana dvodnevna radionica na temu "Program unapređenja javnih usluga" na kojoj su prisustvovali i zaposlenici Gradske uprave Zenica.

Naime, Grad Zenica jedna je od partnerskih zajednica Projekta pomoći lokalnoj upravi, a koji finansira Američka agencija za međunarodni razvoj (USAID) čija je vrijednost 12,8 miliona dolara. Grad Zenica je identifikovao dvije administrativne usluge na čijem unapređenju će raditi u narednom periodu i to upravljanje matičnim registrom i izdavanje dokumenata građanima, te pru-



žanje katastarskih usluga i usluga u vezi sa imovinom.

Jedan od ciljeva Projekta je da pomogne jačanje kapaciteta lo-

kalnih uprava za pružanje transparentnih, odgovornih i kvalitetnih usluga koje traže građani i poslovni subjekti.

LEVAN ŠAMADASHVILI, DIREKTOR USAID-OVOG PROJEKTA POMOĆI LOKALNOJ UPRAVI, U POSJETI KOD GRADONAČELNIKA KASUMOVIĆA

Gradonačelnik Zenice Fuad Kasumović održao je sastanak u Gradskoj upravi Zenica kojem su prisustvovali Levan Samadashvili, direktor USAID-ovog Projekta pomoći lokalnoj upravi, Almedina Šuvalija, zamjenica direktora, a ovom prilikom razgovarali su o brojnim temama, sa posebnim akcentom na pomenuti projekt koji implementira i Grad Zenica.

Inače, kako je i ovom prilikom pojašnjeno, tri su komponente Projekta pomoći lokalnoj upravi i to unapređenje usluga građanima, stvaranje poticajnog poslovnog okruženja i savjetodavni paneli građana.

Gradonačelnik Kasumović upoznao je predstavnike USAID-a kako je u Zenici na-



pravljen veliki pomak kada govorimo o privredi, podsjetio na Privredni savjet Grada Zenice koji se sastaje svakog mjeseca, ali i na uspjeh Poslovne zone "Zenica 1".

Levan Samadashvili, direktor USAID-ovog Projekta pomoći lokalnoj upravi, ovom prilikom je kazao kako mu je drago što su timovi Gradske

uprave Zenica uključeni i saraduju sa USAID-om.

Na kraju se govorilo i o javnom-privatnom partnerstvu, a gradonačelnik Kasumović poručio je kako postoji nekoliko projekata koji trebaju Gradu Zenica i ne mogu ih finansirati, a da bi upravo to moglo biti realizirano kroz javno-privatno partnerstvo.

ZAHVALJUJUĆI EVROPSKOJ UNIJI, ZELENA PIJACA GRADA ZENICE U NOVOM RUHU

U Zenici je održan „Sajam domaćih proizvoda“ u okviru projekta Evropske unije EU4AGRI. Grad Zenica je jedan od dvanaest korisnika koji su dobili finansijsku podršku za unapređenje i razvoj ruralne/lokalne tržišne infrastrukture, a koja se realizuje u sklopu šireg projekta Evropske unije EU4AGRI. Cilj podrške je poboljšati razvoj ruralnih područja, ojačati lokalno tržište, te postojećim poljoprivrednim proizvođačima osigurati uslove za planiranje i unapređenje proizvodnje i plasman poljoprivredno-prehrambenih proizvoda.

Projektom su obuhvaćene zelene pijace, stočne pijace, tržnice, otkupne stanice, mobilna sajamska infrastruktura za prodaju poljoprivrednih i zanatskih proizvoda, distancirana prodajna mjesta locirana uz regionalne i lokalne ceste i eko prodajne kuće.

U okviru projekta Grada Zenice pod nazivom „Unapređenje infrastrukture i sajamskih kapaciteta Gradske tržnice Zenica“ nabavljeno je 115 stolova za



prodaju proizvoda, 20 drvenih sajamskih kućica, 21 rashladna vitrina, kao i kontejneri za odlaganje otpada na pijaci. Također, korisnicima koji svoje proizvode prodaju na tržnici, omogućena je i veoma važna obuka iz oblasti sanitarnog minimuma, sigurnosti hrane i HACCP te pakovanje i prodaja proizvoda kako bi se osigurala ispravnost hrane koja se nudi građanima.

Za projekat u Zenici, Evropska unija je izdvojila preko 230.000 KM, dok je je Grad Zenica osigurao sredstva u iznosu od preko 130.000 KM.

Projekat „Unapređenje infrastrukture i sajamskih kapaciteta Gradske tržnice Zenica“ finansira se u sklopu projekta EU4AGRI koji Evropska unija finansira sa 20 miliona eura. Cilj podrške je modernizacija poljoprivredno-prehrambenog sektora u Bosni i Hercegovini, otvaranje novih radnih mjesta kao i zadržavanje postojećih i podržavanje oporavka od krize izazvane COVID 19. Projekat zajednički provode i sufinansiraju Razvojni program Ujedinjenih nacija u BiH (UNDP) i Češka razvojna agencija.

KORISNICIMA URUČENO PET KOŠNICA SA PČELINJIM DRUŠTVIMA

Grad Zenica je u saradnji sa Nevladinom organizacijom Muslim Aid Association, Udruženjima pčelara „API-ZE“ Zenica, „EKO PČELA“ Zenica i „PČELA“ Nemila započeo projekat „Pčelarstvo i ruralni razvoj“ kojim će osnažiti Udruženja pčelara i porodice koje žive u ruralnim područjima kroz donacije pčelarskih društava i opreme za bavljenje pčelarstvom.

U skladu sa tim, raspisan je Javni poziv za dodjelu pčelinjih društava i opreme, a po završetku jav-



nog poziva odabrano je sedam korisnika, kojima je 4. juna isporu-

čeno po pet košnica sa pčelinjim društvima.

Ovo je pregled samo jednog dijela aktivnosti koje su realizovane u proteklom periodu, a uskoro ćemo Vas novim biltenom obavijestiti o novim uspješno realizovanim ili pokrenutim aktivnostima,

Vaši Grad Zenica i Agencija ZEDA!